

# Акафист святителю Николаю Чудотворцу

---

## Кондак 1

Возбранный Чудотворче и изрядный угóднице Христóв, мíру всему́  
источáяй многоцѣнное мíлости мíро и неисчерпáемое чудес мóре,  
восхваляю́ тя любóвию, святителю́ Никóлае; ты же, я́ко имéяй  
дерзнове́ние ко Гóсподу, от всяких мя бед свободí, да зову́ ти:  
Ра́дуйся, Никóлае, вели́кий Чудотво́рче.

## Икос 1

А́нгела о́бразом, земна́го су́ща естество́м, яви́ тебе́ всея́ тва́ри Созда́тель:  
благопло́дную бо добро́ту ду́ши твоея́ провíдев, преблаже́нне Никóлае,  
научи́ всех вопíти тебе́ си́це:

Ра́дуйся, от утробы́ ма́терния очище́нный;  
ра́дуйся, да́же до конца́ освяще́нный.

Ра́дуйся, рождéнием своимъ роди́телей удивíвый;  
ра́дуйся, си́лу душе́вную а́бие по рождестве́ явívый.

Ра́дуйся, са́де земли́ обетова́ния;  
ра́дуйся, цвѣте́ Божественнаго саждéния.

Ра́дуйся, лозó добродéтельная виногра́да Христóва;  
ра́дуйся, дре́во чудото́чное ра́я Иисúсова.

Ра́дуйся, крíне ра́йскаго прозябе́ния;  
ра́дуйся, мíро Христóва благоухáния.

Ра́дуйся, я́ко тобою́ отгóнится рыда́ние;  
ра́дуйся, я́ко тобою́ принóсится ра́дование.

Ра́дуйся, Никóлае, вели́кий Чудотво́рче.

## Кондак 2

Видяще твоих мир излиание, Богомудре, просвещаемся душами и телесы, дивнаго тя мироточца живоносна, Николае, разумюще: чудесы бо, яко водами, благодатию Божиею изливающимися, напаяеши верно вопиющих Богу: Аллилуиа.

## Икос 2

Разум неуразуменный вразумляя о Святей Троице, был еси в Никеи со святыми отцы поборник исповедания православных веры: равна бо Отцу Сына исповедал еси, соприсносущна и сопредельна, Ария же безумнаго обличил еси. Сего ради вернии научишася воспевати тебе:

Радуйся, великий благочестия столпе;  
радуйся, верных прибежища граде.

Радуйся, твердое Православия укрепление;  
радуйся, честное Пресвятыя Троицы носило и похваление.

Радуйся, Отцу равночестна Сына проповедавый;  
радуйся, Ария возбесившагося от Собора святых отгнавый.

Радуйся, отче, отец славная красото;  
радуйся, всех богомудрых премудрая доброто.

Радуйся, огненная словеса испущаяй;  
радуйся, добре стадо свое наставляяй.

Радуйся, яко тобою вера утверждается;  
радуйся, яко тобою ересь низлагается.

Радуйся, Николае, великий Чудотворче.

## Кондак 3

Силою, данною ти свыше, слезу всяку отъял еси от лица люте страждущих, богоносне отче Николае: алчущим бо явился еси

кормитель, в пучине морстей сущим изрядный правитель, недугующим  
исцеление и всем всяк помощник показался еси, вопиющим Богу:  
Аллилуиа.

### Икос 3

Имеша воистину, отче Николае, с Небес песнь тебе воспеваема быти, а  
не от земли: како бо кто от человек возможет твоея святыни величия  
проповедати? Но мы, любовию твоею побеждаеми, вопием ти сице:

Радуйся, образе агнцев и пастырей;  
радуйся, свято́е очистилище нравов.

Радуйся, добродетелей великих вместилище;  
радуйся, святыни чистое и честное жилище.

Радуйся, светильниче всесветлый и вселюбимый;  
радуйся, свете златозарный и непорочный.

Радуйся, достойный Ангелов собеседниче;  
радуйся, добрый человек наставниче.

Радуйся, правило веры благочестивыя;  
радуйся, образе кротости духовныя.

Радуйся, яко тобою от страстей телесных избавляемся;  
радуйся, яко тобою сладостей духовных исполняемся.

Радуйся, Николае, великий Чудотворче.

### Кондак 4

Буря недоумения смущает ми ум, како достойно есть пети чудеса твоя,  
блаженне Николае? Никтоже бо может я исцелить, аще бы и многи языки  
имел и глаголати восхотел; но мы, дивно Богу в тебе прославляющемуся,  
держаем воспевати: Аллилуиа.

### Икос 4

Слѣшаша, богомудре Никѡлае, ближнии и дальнии величїе чудес твоих,  
яко по воздуху легкими благодатными крилами навѣкл еси сущих в  
бедѣх предварѣти, скоро от тех избавляя всех, вопиющих к тебѣ таковѣя:

Радуйся, избавленіе от печали;  
радуйся, подаеніе благодати.

Радуйся, нечѣемых зол прогонителю;  
радуйся, желаемых благих насадителю.

Радуйся, скорый утешителю в бедѣ сущих;  
радуйся, страшный наказателю обидящих.

Радуйся, чудес пучино, Богом излиянная;  
радуйся, закона Христова скрижали, Богом писанная.

Радуйся, крепкое падающих возведеніе;  
радуйся, право стоящих утверженіе.

Радуйся, яко тобою всякая лѣсть обнажается;  
радуйся, яко тобою всякая истина сбывается.

Радуйся, Никѡлае, великий Чудотворче.

### **Кондак 5**

Боготечная звезда явился еси, наставляя по морю плавающих люте,  
имже смерть предстояше вскоре иногда, аще не бы ты предстал еси  
призывающим тя в помощь, Чудотворче святыи Никѡлае; уже бо  
нестыдно бесом летающим и погрузити корабли хотящим запретив,  
отгнал еси их, верныя же научил еси спасающему тобою Богу взывати:  
Аллилуиа.

### **Икос 5**

Видеша отроковицы, на брак скверный нищеты ради уготованныя,  
великое твое к ним милосердіе, преблаженне отче Никѡлае, егда  
старцу родителю их ношцию узельцы три злата таяся подал еси, самаго со

дщѣрьми избавляя от падѣнія греховнаго. Того ради слышиши от всех  
сѣце:

Радуйся, милости превеликия сокровище;  
радуйся, промышления о людех приятелище.

Радуйся, пище и отрадо к тебѣ прибегających;  
радуйся, хлебе неснедаемый алчущих.

Радуйся, богатство, бедне живущим на земли, Богом данное;  
радуйся, воздвижение скорое убогих.

Радуйся, быстрое нищих услышание;  
радуйся, скорбящих приятное попечение.

Радуйся, трех дев непорочный невестителю;  
радуйся, чистоты усердный хранителю.

Радуйся, ненадежных надеяние;  
радуйся, всего мира наслаждение.

Радуйся, Николае, великий Чудотворче.

### **Кондак 6**

Проповѣдует мир весь тебѣ, преблаженне Николае, скорого в бедах  
заступника: яко многажды во едином часѣ, по земли путешествующим и  
по морю плавающим, предваряя, пособствуеши, купно всех от злых  
сохраняя, вопиющих к Богу: Аллилуиа.

### **Икос 6**

Воссиял еси свет животный, избавление нося воеводам, неправедную  
смерть прияти имущим, тебѣ, добрый пастырю Николае, призывающим,  
егда вскоре явлься во сне цареву, устрашил еси его, сих же  
неврежденных отпустить повелел еси. Сего ради с ними купно и мы  
благодарственны вопием ти:

Рáдуйся, усérдно призывáющим тя помогáй;  
рáдуйся, от непра́веднаго убиéния избавля́й.

Рáдуйся, от лéстных сохраня́й клеветы́;  
рáдуйся, непра́ведныя разрушáяй совéты.

Рáдуйся, растерзáй лжу́ я́ко паучíну;  
рáдуйся, возношáяй слáвно íстину.

Рáдуйся, неповíнных от уз разрешéние;  
рáдуйся, и мертвецéв оживлéние.

Рáдуйся, проявítелю правды;  
рáдуйся, помрачítелю непра́вды.

Рáдуйся, я́ко тобóю неповíннии избавлени от мечá;  
рáдуйся, я́ко тобóю насладíшася свéта.

Рáдуйся, Никóлае, вели́кий Чудотвóрче.

### **Кондак 7**

Хотя́ богохúльное еретíческое отгнáти злосмра́дие, мíро воíстину  
благовóнное, та́инственное явíлся есí, Никóлае: лю́ди Мирéйския упáсл  
есí и весь мир сво́им благодáтным мíром испóлнил есí. И от нас úбо  
богомéрзкое грехóвное злосмра́дие отженí, да благоприятно́ Бóгу  
вопиéм: Аллилу́иа.

### **Икос 7**

Но́ваго тя Но́я, наста́вника ковчéга спасítельнаго разумéем, óтче святы́й  
Никóлае, бúрю всех лю́тых разгоня́ющаго направлéнием сво́им, тишинú  
же Божéственную принося́щаго вопи́ющим такова́я:

Рáдуйся, обурева́емых тíхое пристáнище;  
рáдуйся, утопа́ющих извéстное хранíлище.

Рáдуйся, пла́вающих посреде́ пучíн до́брый ко́рмчий;

ра́дуйся, треволне́ния морская́ уставля́ющий.

Ра́дуйся, превожде́ние су́щих в ви́хрех;  
ра́дуйся, согрѣя́ние су́щих во мра́зех.

Ра́дуйся, сия́ние, ско́рбный мрак разгоня́ющее;  
ра́дуйся, свети́ло, вся концы́ земли́ просвеща́ющее.

Ра́дуйся, от бе́здны грехо́вныя челове́ки избавля́й;  
ра́дуйся, в бе́здну а́дскую сатану́ вверга́й.

Ра́дуйся, я́ко тобо́ю дерзнове́нно бе́здну милосе́рдия Бо́жия призыва́ем;  
ра́дуйся, я́ко тобо́ю от пото́па гнева́ изба́вьшеся, мир с Бо́гом обрета́ем.

Ра́дуйся, Нико́лае, вели́кий Чудотво́рче.

### **Кондак 8**

Стра́нное чу́до явля́ется притека́ющим к тебе́, блаже́нне Нико́лае,  
свяще́нная твоя́ це́рковь: в ней бо и ма́лое моле́ние принося́ще, ве́лиих  
неду́гов прие́млем исцеле́ние, а́ще то́кмо по Бо́зе упова́ние на тя  
возложи́м, ве́рно вопи́юще: Аллилу́иа.

### **Икос 8**

Весь еси́ всем вои́стину помо́щник, богано́се Нико́лае, и собра́л еси́  
вкупѣ вся прибега́ющия к тебе́, я́ко свободи́тель, пита́тель и врач ско́рый  
всем земны́м, на похвалу́ всех подвизая́ вопи́ти к тебе́ си́це:

Ра́дуйся, всяких исцелѣ́ний исто́чнице;  
ра́дуйся, лю́те стра́ждущим помо́щнице.

Ра́дуйся, зарѣ́, сия́ющая в но́щи грехо́вней блужда́ющим;  
ра́дуйся, росо́ небото́чная в зно́и трудо́в су́щим.

Ра́дуйся, подава́й тре́бующим благостро́ение;  
ра́дуйся, уготовля́й прося́щим избы́лие.

Ра́дуйся, мно́гажды проше́ние предва́ряяй;  
ра́дуйся, ста́рым се́динам си́лу обновля́яй.

Ра́дуйся, мно́гих заблуждших от пу́ти и́стиннаго обличите́лю;  
ра́дуйся, та́ин Бо́жих ве́рный служи́телю.

Ра́дуйся, я́ко тобо́ю за́висть попира́ем;  
ра́дуйся, я́ко тобо́ю благона́равное жити́е исправля́ем.

Ра́дуйся, Нико́лае, вели́кий Чудотво́рче.

### Кондак 9

Вся́кия утоли́ болéзни, вели́кий наш заступни́че Нико́лае, растворя́я  
благодáтная врачевáния, услажда́ющая ду́ши на́ша, сердца́ же веселя́щая  
всех усéрдно к по́мощи твоёй притека́ющих, Бо́гу же вопию́щих:  
Аллилу́иа.

### Икос 9

Вити́я суету́дренныя нечестивых ви́дим тобо́ю посра́мленныя,  
богомудре́ отче Нико́лае: А́рия бо ху́льника, разделя́юща Божество́, и  
Савéллия, смеша́юща Святу́ю Трби́цу, препре́л, нас же во Правосла́вии  
укрепи́л еси́. Сего́ ра́ди вопи́ем ти си́це:

Ра́дуйся, щите́, защища́яй благоче́стие;  
ра́дуйся, мечу́, посеца́яй злочестие́.

Ра́дуйся, учи́телю Божество́нных велéний;  
ра́дуйся, губи́телю богопроти́вных учéний.

Ра́дуйся, ле́стнице, Бо́гом утвержде́нная, ёю́же восхо́дим к Небеси́;  
ра́дуйся, покрóве, Бо́гом зда́нный, имже покрывáются мно́зи.

Ра́дуйся, немудрых умудри́вый тво́ими словесы́;  
ра́дуйся, лени́вых подви́гнувый тво́ими нра́вы.

Ра́дуйся, све́тлосте за́поведей Бо́жих неугаси́мая;



ра́дуйся, луче́ оправда́ний Господ́них пресвѣтлая.

Ра́дуйся, яко́ уче́нием твои́м сокруша́ются еретиче́ския главы́;  
ра́дуйся, яко́ тобо́ю ве́рнии сподобля́ются сла́вы.

Ра́дуйся, Нико́лае, вели́кий Чудотво́рче.

### **Кондак 10**

Спасти́ хотя́ ду́шу, плоть твою́ ду́хови покорил еси́ войсти́ну, о́тче наш  
Нико́лае: молча́ньми бо пре́жде и борёньми с по́мысли, дея́нию  
богомы́слие приложи́л еси́, богомы́слием же ра́зум соверше́н стяжа́л еси́,  
и́мже дерзнове́нно с Бо́гом и А́нгелы бесе́довал еси́, всегда́ вопия́:  
Аллилу́иа.

### **Икос 10**

Стена́ еси́ похваля́ющим, преблаже́нне, чудеса́ твоя́ и всем к  
заступле́нию твоemú прибега́ющим; те́мже и нас, в добродете́ли убо́гих,  
от нищеты́, напа́сти, недúгов и нужд разли́чных свобожда́й, вопию́щих  
ти с любóвию такова́я:

Ра́дуйся, от убо́жества ве́чнаго изыма́яй;  
ра́дуйся, бога́тство нетле́нное подава́яй.

Ра́дуйся, бра́шно неги́блющее а́лчущим пра́вды;  
ра́дуйся, питие́ неисчерпа́емое жа́ждущим жи́зни.

Ра́дуйся, от мятéжа и бра́ни соблюда́яй;  
ра́дуйся, от уз и пленéния свобожда́яй.

Ра́дуйся, пресла́вный в беда́х заступни́че;  
ра́дуйся, превели́кий в напа́стех защи́тниче.

Ра́дуйся, мно́гих от поги́бели исхитивы́й;  
ра́дуйся, безчи́сленных невреждéнно сохра́нивы́й.

Ра́дуйся, яко́ тобо́ю лю́тыя сме́рти грешни́и избега́ют;

ра́дуйся, я́ко тобо́ю жизнь вѣчную ка́ющіися получа́ют.

Ра́дуйся, Никóлае, вели́кий Чудотво́рче.

### **Кондак 11**

Пе́ние Пресвяте́й Трѳице па́че инѳих принѳсл еси́, преблаже́нне Никóлае, умом, сло́вом и де́лом: мно́гим бо испытáнием правове́рная повелѳния уясни́л еси́, ве́рою, наде́ждою и любѳвию наставля́я нас в Трѳице Еди́ному Бо́гу воспева́ти: Аллилу́иа.

### **Икос 11**

Светозáрную лучу́ во мра́це жити́я су́щим неугаси́мую ви́дим тя, Бо́гом избра́нне о́тче Никóлае: с не веще́ственными бо а́нгельскими свѳты бесе́дуеши о несозда́нном Трѳическом Свѳете, ве́рных же ду́ши просвещáеши, вопи́ющих ти такова́я:

Ра́дуйся, озаре́ние Трисѳлнечно́го Свѳета;  
ра́дуйся, денни́це незаходи́мага Сѳлнца.

Ра́дуйся, свещѳ, Божѳственным пла́менем возжже́нная;  
ра́дуйся, я́ко угаси́л еси́ бесѳвский пла́мень нече́стия.

Ра́дуйся, свѳтлое правове́рия проповѳдание;  
ра́дуйся, доброзра́чное свѳета ева́нгельска́го сия́ние.

Ра́дуйся, мо́лние, е́реси пожига́ющая;  
ра́дуйся, гро́ме, устраша́ющий соблазняя́щая.

Ра́дуйся, и́стиннаго научи́телю ра́зума;  
ра́дуйся, та́инственнаго изъя́вителю ума́.

Ра́дуйся, я́ко тобо́ю попрáся поклонение тва́ри;  
ра́дуйся, я́ко тобо́ю научи́хомся покланя́тися Творцу́ в Трѳице.

Ра́дуйся, Никóлае, вели́кий Чудотво́рче.

## Кондак 12

Благода́ть, да́нную ти от Бо́га, све́душии, ра́дующеся, твою́ па́мь  
пра́зднуем по до́лгу, пресла́вный о́тче Нико́лае, и к чу́дному  
заступленію тво́ему вседу́шно притека́ем; пресла́вных же тво́их де́яній,  
я́ко песка́ морска́го и мно́жества зве́зднаго исчести́ не могу́ще,  
недоуме́нием объ́яти б́ывше, вопи́ем к Бо́гу: Аллилу́иа.

## Икос 12

Пою́ще тво́я чудеса́, восхваля́ем тя, всехва́льне Нико́лае: в тебѣ бо Бог, в  
Трѣице прославля́емый, дѣивно просла́вися. Но а́ще и попремно́гу  
соста́вленныя от ду́ш псалмы́ и пѣсни прино́сим ти, Чудотво́рче святы́й,  
ничто́же тво́рим ра́вно дарова́нию чудѣс тво́их, ѡ́мже удивля́ющеся,  
вопи́ем к тебѣ такова́я:

Ра́дуйся, Царя́ ца́рствующих и Го́спода господа́ствующих служи́телю;  
ра́дуйся, служи́телей Его́ небѣсных сожи́телю.

Ра́дуйся, лю́дем ве́рным поможе́ние;  
ра́дуйся, ро́да христиа́нскаго возвыше́ние.

Ра́дуйся, победы́ тезоимени́тый;  
ра́дуйся, венценос́че наро́читый.

Ра́дуйся, всех добродѣ́телей зерца́ло;  
ра́дуйся, всех притека́ющих к тебѣ кре́пкое забра́ло.

Ра́дуйся, по Бо́зе и Богоро́дице, все на́ше упова́ние;  
ра́дуйся, телѣс на́ших здра́вие и душ спасѣ́ние.

Ра́дуйся, я́ко тобою́ от ве́чныя сме́рти свобожда́емся;  
ра́дуйся, я́ко тобою́ безконѣ́чныя жи́зни сподобля́емся.

Ра́дуйся, Нико́лае, вели́кий Чудотво́рче.

## Кондак 13

О, пресвятый и пречудный отче Николае, утешение всех скорбящих, нынешнее наше приимй приношение и от геены избавитися нам Господа умоли богоприятным твоим ходатайством, да с тобою воспеваем: Аллилуиа.

*Этот кондак читается трижды, затем 1-й икос «Ангела образом...» и 1-й кондак «Возбранный Чудотворче и изрядный угодниче...»*

### **Икос 1**

Ангела образом, земнаго суща естеством, яви тебе всея твари Создатель: благоплодную бо доброту души твоея провидев, преблаженне Николае, научи всех вопити тебе сие:

Радуйся, от утробы матерния очищенный;  
радуйся, даже до конца освященный.

Радуйся, рождением своим родителей удививый;  
радуйся, силу душевную абие по рождестве явивый.

Радуйся, саде земли обетования;  
радуйся, цвете Божественнаго саждения.

Радуйся, лозо добродетельная винограда Христова;  
радуйся, древо чудоточное рая Иисусова.

Радуйся, крине райскаго прозябения;  
радуйся, миро Христова благоухания.

Радуйся, яко тобою отгонится рыдание;  
радуйся, яко тобою приносится радование.

Радуйся, Николае, великий Чудотворче.

### **Кондак 13**

Возбранный Чудотворче и изрядный угодниче Христов, миру всему источаяй многоценное милости миро и неисчерпаемое чудес море, восхваляю тя любовию, святителю Николае; ты же, яко имеяй дерзновение ко Господу, от всяких мя бед свободи, да зову ти:

Ра́дуйся, Никóлае, вели́кий Чудотво́рче.

### **Моли́тва 1-я**

О, всесвяты́й Никóлае, уго́днике преизря́дный Госпо́день, тёплый наш засту́пнике и вездé в ско́рбех ско́рый помо́щнике! Помози́ ми, грéшному и уны́лому, в настоя́щем сем житии, умоли́ Го́спода Бо́га дарова́ти ми оставле́ние всех мо́их грехо́в, ели́ко согреши́х от ю́ности моея́, во всем житии моём, де́лом, сло́вом, помышле́нием и все́ми мо́ими чу́вствы; и во исхо́де ду́ши моея́ помози́ ми, окая́нному, умоли́ Го́спода Бо́га всея́ тва́ри Содо́теля, изба́вити мя возду́шных мыта́рств и ве́чнаго муче́ния: да всегда́ прославля́ю Отца́, и Сы́на, и Свята́го Ду́ха, и твоё ми́лостивное предста́тельство, ны́не и прýсно, и во ве́ки веко́в. Ами́нь.

### **Моли́тва 2-я**

О, всеблагы́й о́тче Никóлае, па́стырю и учи́телю всех, ве́рою притека́ющих ко твоёму́ заступле́нию и тёплою моли́твою тебé призыва́ющих! Ско́ро потщи́ся и изба́ви Христо́во ста́до от волко́в губя́щих е; и вся́ку страну́ христиа́нскую оградí и сохрани́ святы́ми тво́ими моли́твами от мирска́го мятéжа, тру́са, нашéствия иноплеме́нников и междоусо́бных бра́ни, от гла́да, потóпа, огня́, мечá и внеза́пных сме́рти. И я́коже поми́ловал еси́ три́ех мужей, в темни́це сидя́щих, и изба́вил еси́ их от царёва гнева́ и посече́ния ме́чнаго, та́ко поми́луй и мене́, умо́м, сло́вом и де́лом во тме грехо́в су́ща, и изба́ви мя гнева́ Бо́жия и ве́чных ка́зни. Я́ко да тво́им ходáтайством и по́мощию, Сво́им же милосе́рдием и благода́тию, Христо́с Бог ти́хое и безгрéшное жити́е даст ми по́жити в веце́ сем, и изба́вит мя от шу́ияго стоя́ния, сподо́бит же десна́го со все́ми святы́ми во ве́ки веко́в. Ами́нь.